



Mesyuarat ‘Town Hall’ LBS 2024

Rai Kepelbagaian dan Perpaduan Komuniti LBS

Petaling Jaya, 9 Februari 2024 - Pemaju perumahan terkemuka pilihan rakyat, LBS Bina Group Berhad (“LBS” atau “Kumpulan”), telah menganjurkan Mesyuarat “Town Hall” tahunan pada 6 Februari 2024, melakar pencapaian penting dengan gabungan majlis makan malam syarikat buat julung kalinya.

Majlis yang berlangsung di SJK (C) Sg. Way, turut mengimbau kenangan lokasi Mesyuarat “Town Hall” kali pertama yang diadakan pada tahun 2012. LBS telah menyaksikan pertumbuhan sumber manusia yang luar biasa dan berkembang daripada 100 kepada 800 orang pekerja pada hari ini.

Dengan tema ‘Meraikan Kepelbagaian dan Memperkuuh Perpaduan,’ majlis itu dilihat sebagai pencapaian signifikan di dalam memupuk komuniti inklusif. Para kakitangan memakai busana tradisional, memaparkan perpaduan yang terjalin erat di kalangan warga LBS. Persembahan kebudayaan Tarian Singa turut diselitkan sebagai lambang perayaan Tahun Baru Cina yang bakal disambut tidak lama lagi.

Wakil daripada subsidiari LBS termasuk MGB Berhad dan Zhuhai International Circuit Limited (ZIC) turut memeriahkan majlis. Mesyuarat Town Hall yang bertemakan budaya ini menunjukkan komitmen LBS terhadap kecemerlangan korporat sekali gus menghargai budaya berbilang kaum di kalangan warga LBS.

Penglibatan kakitangan pada acara tersebut sememangnya menzahirkan pertumbuhan syarikat dalam mengeratkan komuniti melalui tolak ansur, di samping penerapan saling hormat menghormati di antara satu sama lain.

Tan Sri Ir. (Dr.) Lim Hock San, Pengurus Eksekutif Kumpulan LBS dan MGB Berhad, mengulas, “Tahun 2023 merupakan tahun yang penuh pencapaian luar biasa baik dalam konteks peribadi, budaya dan korporat. Harapan saya agar kakitangan LBS

kekal teguh bersatu, bukan sahaja sebagai tunggak syarikat tetapi sebagai sebuah keluarga yang konsisten dengan kejayaan berterusan di masa hadapan.”

Mesyuarat itu turut berkongsi matlamat utama syarikat 2024, merangkumi strategi, inovasi, budaya dan tadbir urus kewangan, dengan satu objektif: Kelestarian. Ini menunjukkan komitmen berterusan LBS untuk memupuk tenaga kerja yang lestari, selaras dengan misi syarikat untuk menyumbang kepada pembangunan komuniti menerusi amalan progresif bangunan hijau.

Pengisian lain turut merangkumi penggunaan AI pendigitalan dan teknologi pembinaan. Usaha ini berpotensi untuk menempatkan organisasi kami sebagai peneraju terkemuka dalam Industri Pembinaan 4.0 sekali gus menunjukkan dedikasi kami untuk kekal di barisan hadapan selaku pemain industri demi kemajuan industri.

Selain itu, LBS akan mengemudi perjalannya menerusi inisiatif ESG yang telah ditetapkan tahun ini. Kelestarian merupakan komponen penting dalam landskap pembangunan semasa di Malaysia, dan LBS bersedia berkongsi usahanya dalam memulakan pelan tindakannya ke arah mencapai matlamat pelepasan karbon sifar bersih menjelang 2050.

“Kejayaan kami bukan sahaja diukur dari angka, ianya juga melalui impak kelestarian yang dibina untuk komuniti kami. Tahun ini, LBS bertekad untuk memenuhi piawaian persekitaran di samping memupuk budaya kerja lestari di kalangan pengurusan. Kami komited untuk menyediakan platform dan peluang kepada semua kakitangan melalui inisiatif pendidikan, program latihan di samping persekitaran yang fleksibel untuk perkembangan kerjaya yang positif. Pengukuhan inisiatif tersebut akan memberi inspirasi berterusan untuk memacu impak kelestarian di dalam komuniti”, ujar Dato’ Cynthia Lim, Pengarah Eksekutif.

-Tamat-